

GRAD NOVI PAZAR
SKUPŠTINA GRADA NOVOG PAZARA
3. jul 2015. godine
Novi Pazar

ГРАДСКА СКУПШТИНА
И ПОРЕЗНИ ПОВОРНИК
NOVI PAZAR

Исправно	03.07.2015			
Србија	Београд	Београд	Београд	Београд
I				

PREDSJEDNICI SKUPŠTINE GRADA

Na osnovu čl. 39. Statuta grada Novog Pazara („Službeni list opštine Novi Pazar“ br. 14/08 i „Službeni list grada Novog Pazara“ br.7/09, 10/12 i 3/13), člana 114 stav 1. Poslovnika skupštine grada Novog Pazara („Službeni list grada Novog Pazara“ br. 16/08, 17/08, 2/09, 11/09, 5/11, 11/12, 4/13 i 6/13) podnosim PRIJEDLOG REZOLUCIJE O GENOCIDU U SREBRENICI, s prijedlogom da se donese po hitnom postupku.

Odbornici SDA Sandžaka

Alan Karaahmetović
šef odborničkog kluba

KARA AHMETOVIC

Saima Brunčević

Brunčević

Fuad Bačićanin

Bačićanin

Sabahudin Ramović

Ramovic

Dr. Hanadi Hajdinović

Hajdinovic

Elvedin Ferizović

Ferizovic

Amela Spahić

Spahic

Enes Delić

Delic

Dr. Mehmed Mujdragić

Mujdragic

Amela Bošnjak

Bošnjak

Safet Bronja

Bronja

Dr. Suada Žara

Zara

Poštujući odluke Međunarodnog suda pravde i Međunarodnog krivičnog suda za bivšu Jugoslaviju,

Pozivajući se na Odluku Bošnjačkog nacionalnog vijeća od 10. jula 2005. godine o proglašenju 11. jula Danom sjećanja na žrtve genocida počinjenog nad Bošnjacima Srebrenice,

U cilju vraćanja međunacionalnog povjerenja, izgradnje stabilnog i trajnog mira, sigurnosti, saradnje i povjerenja među narodima,

Izražavajući najdublji pijetet prema žrtvama bošnjačkog naroda, stradalim u genocidu u Srebrenici,

Skupština grada Novog Pazara donosi

REZOLUCIJU O GENOCIDU U SREBRENICI

1. Najoštrije se osuđuje genocid u Srebrenici.
2. Osuđuje se svako poricanje ovog genocida.
3. Proglašava se 11. jul za Dan sjećanja na genocid u Srebrenici.
4. Izražava se saosjećanje za sve žrtve u ratovima na prostoru bivše Jugoslavije, kao i saosjećanje sa njihovim porodicama.
5. Naglašava se suštinski značaj pomirenja koje je zasnovano na dijalogu, suočavanju sa prošlošću i posvećenosti pravdi i podršci žrtvama, kao osnovi za jačanje bezbjednosti, stabilnosti i prosperiteta u regionu.
6. Daje se podrška razvijanju obrazovnih programa koji će budućim generacijama usaditi lekcije koje su izvučene iz prošlih genocida, ratnih zločina, etničkih čišćenja i zločina protiv čovječnosti u cilju sprječavanja da se ponove.
7. Potvrđuje se značaj lekcije o neuspjehu da se spriječi genocid u Srebrenici, kao što je navedeno u izvještaju Generalnog sekretara UN u skladu sa rezolucijom Generalne skupštine 53/35 i zauzima stav da se ranim i efikasnim djelovanjima spriječi ponavljanje ovakve tragedije.
8. Zauzima se stav da kršenja ljudskih i manjinskih prava mogu biti rani pokazatelj mogućnosti genocida i u tom smislu se obavezuje Skupština grada Novog Pazara na usvajanje pravno obavezujućih akata koji će nedvosmisleno garantovati zaštitu i puno ostvarivanje ljudskih i manjinskih prava i obezbjediti uslove za ostvarivanje prava na političku egzistenciju.

OBRAZLOŽENJE

I PRAVNI OSNOV ZA DONOŠENJE REZOLUCIJE

Pravni osnov za donošenje ove rezolucije sadržan je u članu 32 stav 1. tačka 6 Zakona o lokalnoj samoupravi kojim je propisano da skupština donosi propise i druge opšte pravne akte, kao i u članu 41 stav 1 tačka 7 Statuta grada Novog Pazara kojim je, između ostalog, propisano da Skupština grada donosi propise i druge opšte akte.

II RAZLOZI ZA DONOŠENJE REZOLUCIJE

Donošenje Rezolucije o genocidu u Srebrenici ima za cilj da se u Skupštini grada Novog Pazara napravi prvi važan korak u pravcu rješavanja otvorenih pitanja između srpskog i bošnjačkog naroda.

Priznavanje genocida u Srebrenici je civilizacijski korak koji je potreban kako bi se potvrdila ozbiljnost u namjeri za izgradnju dijaloga, saradnje, povjerenja i trajnog mira u regionu zasnovanom na prihvatanju djela iz prošlosti, suočavanju sa prošlošću i posvećenosti pravdi, podršci žrtvama kao osnovi za jačanje bezbjednosti, stabilnosti i prosperiteta u regionu.

III PROCJENA FINANSIJSKIH SREDSTAVA POTREBNIH ZA SPROVOĐENJE REZOLUCIJE

Za sprovođenje ove rezolucije nisu potrebna dodatna finansijska sredstva u budžetu grada Novog Pazara.

IV RAZLOZI ZA DONOŠENJE PO HITNOM POSTUPKU

Obilježavanje dvadesete godišnjice od genocida u Srebrenici je 11. jula 2015. godine, pa je iz tog razloga neophodno usvajanje ove Rezolucije prije navedenog datuma.